

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 2011779829, 2011791540, 2011787448 և 2011792073 որոշումներն անփոփոխ, իսկ վարչական բողոքն առանց բավարարման թողնելու մասին

<< 04 >> 12 2020թ. 7-13 15282

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Լարիսա Մաթևոսյանի ՄԴ/153817-20 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Քաղաքացի Լարիսա Մաթևոսյանը (**ծանուցման հասցե՝** քաղաք Երևան, Էրեբունի վարչական շրջան, Նոր Արեշ 45-րդ փողոց, 42-րդ տուն) դիմումով խնդրել է բեկանել Ճանապարհային ոստիկանության վարչական տույժ նշանակելու մասին թիվ 2011753235, 2011779829, 2011791540, 2011787448 և 2011792073 որոշումները՝ նշելով, որ իրավախախտումները ունեն նվազ նշանակություն:

Դիմումի քննարկման արդյունքում պարզվել է, որ վարչական ակտերն ենթակա են կատարման հետևյալ պատճառաբանությամբ.

<<Տեսանկարահանող և լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած տեսանյութն է կամ լուսանկարը, որը պարունակում է նաև տեխնիկական միջոցով արձանագրված տվյալները:

Ճանապարհային ոստիկանության վարչական տույժ նշանակելու մասին թիվ 2011779829, 2011791540 և 2011787448 որոշումներով արձանագրված իրավախախտումներն ամրագրած տեսանյութերը փաստում են <<RAF>> մակնիշի 35PU959 հաշվառման համարանիշի վարորդի կողմից համապատասխանաբար 05.10.2020թ. ժամը 18:12-ին, 08.10.2020թ. ժամը 15:19-ին և 07.10.2020թ. ժամը 16:00-ին Երևան քաղաքի Աթոյան - Բելինսկի - Ռոստոմյան փողոցների խաչմերուկի հատվածում << կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> 28.06.2007թ-ի թիվ 955-Ն որոշման 1.3 գծանշման պահանջը խախտելով հանդիպակաց երթևեկության գոտի դուրս գալու փաստը, որը կապված է վազանցը թույլատրված վայրում վազանց կատարելու հետ և որը չի կատարվել երթևեկության այլ մասնակցի գործողության կամ անգործության պատճառով:

Վարչական իրավախախտումների վերաբերյալ << օրենսգրքի 124-րդ հոդվածի 18-րդ մասի համաձայն՝ տրանսպորտային միջոցների վարորդների կողմից հանդիպակաց երթևեկության գոտի դուրս գալը, եթե դա կապված է վազանցը թույլատրված տեղերում վազանց կատարելու կամ կանգնած տրանսպորտային միջոցը կամ խոչընդոտը շրջանցելու հետ, և եթե առանց հանդիպակաց երթևեկության գոտի դուրս գալու անհնար է շրջանցել կանգնած տրանսպորտային միջոցը կամ խոչընդոտը՝ առաջացնում է տուգանքի նշանակում՝ սահմանված նվազագույն աշխատավարձի քսանհինգապատիկի չափով, տուգանային միավորի կիրառում՝ 3 միավոր:

Ճանապարհային ոստիկանության վարչական տույժ նշանակելու մասին թիվ 2011792073 որոշմամբ արձանագրված իրավապապտումն ամրագրած տեսանյութը փաստում է, որ Երևան քաղաքի Աթոյան - Բելինսկի - Ռոստովյան փողոցների խաչմերուկի հատվածում ինչպես 1.3 հանդիպակաց (հակադիր) հոսքերն իրարից բաժանող գծանշման առկայությունը և տեսանելիությունը, այնպես էլ <<RAF>> մակնիշի 35PU959 հաշվառման համարանիշի տրանսպորտային միջոցով 08.10.2020թ. ժամը՝ 16:47-ին այն հատելու փաստը, որը կապված չի եղել երթևեկության այլ մասնակցի գործողության կամ անգործության պատճառով:

Վարչական իրավախախտումների վերաբերյալ << օրենսգրքի 124-րդ հոդվածի 37-րդ մասի համաձայն՝ «Կանգ-գիծ» գծանշման պահանջները չկատարելու համար սույն հոդվածի 1-ին մասով, ինչպես նաև տրանսպորտային միջոցների երթևեկության հակադիր հոսքերն իրարից բաժանող գծանշումների պահանջները չկատարելու համար սույն հոդվածի 2-րդ մասով նախատեսված վարչական իրավախախտումն ունի նվազ նշանակություն այն դեպքում, երբ տրանսպորտային միջոցի անիվներից ոչ մեկն ամբողջությամբ չի հատել գծանշումը, և դրա հետևանքով երթևեկության մյուս մասնակիցների համար խոչընդոտ կամ վթարային իրադրություն առաջացնելու ակնհայտ վտանգ չի ստեղծվել, ինչպես նաև այն դեպքում, երբ իրավախախտումն անխուսափելիորեն կատարվել է երթևեկության այլ մասնակցի գործողության կամ անգործության պատճառով:

Ինչ վերաբերվում է Ճանապարհային ոստիկանության վարչական տույժ նշանակելու մասին թիվ 2011753235 որոշմանը, ապա դիմումատուի կողմից բաց է թողնվել Վարչական իրավախախտումների վերաբերյալ << օրենսգրքի 288-րդ հոդվածով նախատեսված՝ վերը նշված որոշման դեմ գանգատ տալու 30-օրյա ժամկետը, ուստի դիմումը՝ դրա մասով ենթակա չէ քննության:

Ելնելով վերոգրյալից և ղեկավարվելով Վարչական իրավախախտումների վերաբերյալ << օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 21.02.2020թ. թիվ 2010872894 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել << վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Լարիսա Արաբաջյանին:



Ե.Կարապետյան